

SAKSPAPIR

Saksnr	Utval	Type	Dato
008/19	Formannskapet	PS	13.02.2019

Saksbehandlar	ArkivsakID
Jostein Klette	18/1942

Planavgrensing detaljregulering akvakultur Angelskår

Vedlegg:

Plangrense_avklaring. 14.01.2019

Rådmannen sitt framlegg til vedtak:

Osterøy kommune vedtar at saka fell inn under rådmannen si fullmakt i henhold til delegeringsreglementet, jf. H-sak 074/18, Kommunelov §§ 23, 1-4.

Formannskapet - 008/19

FS - behandling:

Kommuneplanleggjar og sakshandsamar i saka, møtte for å svare på spørsmål.

AVRØYSTING

Rådmannen sitt framlegg vart samrøystes vedteke.

FS - vedtak:

"Osterøy kommune vedtar at saka fell inn under rådmannen si fullmakt i henhold til delegeringsreglementet, jf. H-sak 074/18, Kommunelov §§ 23, 1-4."

Saksopplysningar:

Saksopplysningar:

Rådmannen har delegert mynde til å gjera vedtak i saker som er fastsett innanfor delegeringsreglementet. På områder der det er tvil om rådmannen har delegert myndighet skal formannskapet gjera ei vurdering. Rådmannen ber i denne saka om ei avklaring frå formannskapet i høve til delegeringsreglementet.

Bakgrunn

Abo plan har på vegne av tiltakshavar Lerøy Sjøtroll AS starta opp arbeid med detaljregulering av område for akvakultur utanfor Angelskår. Det er gjennomført oppstartsmøte og skal kunngjerast formell oppstart i løpet av februar. Området er avsett i gjeldande kommuneplan som akvakultur med tilgrensande areal for fortøying.

Enkelte av fortøyingspunkta for det nye anlegget vil ligge marginalt utanfor det som er avsett som areal i kommuneplanen sin arealdel, jf. vedlegg. 3 av fortøyingspunkta ligg mellom 10-13 meter på utsida av føremålsgrensa og 2 av punkta ligg inntil 2 m på utsida av føremålsgrensa. Fortøyinga vil skje med festebolt i botn. Desse kan festast ned til 30 m djupne av dykkarar. Djupare enn dette må forankringa utførast med hjelp av miniubåt, som er vesentleg meir ressurskrevjande.

Området mellom land og akvakulturareal i kommuneplanen vart avsett for å ha eit område langs strandsona som skulle vera avsett tilgjengeleg til fiske, ferdsel og friluftsliv. Dette vart gjort for å sikre felleskapsinteresser langs strandsona samstundes som det skal vere mogleg å legge fortøyingar inn mot land frå akvakulturanlegget.

Ettersom 5 av fortøyingspunkta er marginalt utanfor område i kommuneplanen må det vurderast om rådmannen har delegert mynde til å gå vidare med vanleg oppstart av privat detaljregulering jf. delegasjonsreglementet.

Om delegering av fullmakt til rådmannen

Rådmannen har fullmakt til å fatte vedtak i enkeltsaker som ikkje er av prisippiell eller politisk karakter. I tillegg er det delegert fullmakt til å vedta mindre endringer i kommuneplan.

I henhald til Delegasjonsreglement skal rådmannen ved tvil avklare mynde med formannskapet. I reglementet står det i § 2.10 a):

- *Ved eventuell tvil skal rådmannen leggja saka fram for formannskapet for avgjerd om vedtaksmynde. Formannskapet må samtidig ta stode til om avgjerd i liknande saker for framtida skal delegerast til rådmannen.*

Rådmannen ber formannskapet ta stilling til om dette fell inn under delegert fullmakt til rådmannen eller om dette må meldast oppstart til Heradsstyret.

Vurdering

Avviket frå gjeldande kommuneplan er inntil 2 m for to fortøyingspunkt og inntil 10-13 m for tre fortøyingspunkt.

Intensjonen med areal mot land var å ivareta fiske, ferdsel og friluftsliv her. Rådmannen vurderar at intensjonen til dette området ikkje vert sett til side fordi avviket frå avgrensing i kommuneplanen er så lite og at tiltaka er på 30 m djupne. Dette vil ikkje på nokon måte råka aktivitetar som fiske, ferdsel og friluftsliv. Rådmannen si vurdering er at endringa ikkje vil ha noko negative verknader.

Endringa ville vore rekna som ei mindre endring av kommunenplanen sin areadel, jf. delegasjonsreglementet. Rådmannen meiner at endringa heller ikkje er av politisk eller prinsipiell karakter.

Ettersom det er eit mindre avvik frå overordna plan og at det er uklårt om dette fell inn under delegert mynde ber ein om at formannskapet tek stilling til om dette vil vera i tråd med delegeringsreglementet og om rådmannen har fullmakt til å gå vidare med vanleg oppstart.

Konklusjon

Rådmannen sin vurdering er at saka ikkje er av politisk eller prinsipiell karakter og at endringa må reknast som eit mindre avvik. Konklusjonen til rådmannen er difor at dette fell inn under rådmannen si fullmakt, men at ein ynskjer formannskapet si avklaring.